



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1842

VII. Anordnung des Bischofes Johann von Havelberg, wie es mit dem
Erlöse von den zu Wilsnack ausgegebenen Blei-Zeichen gehalten werden
solle, vom Jahre 1396.

Nutzungsbedingungen

[urn:nbn:de:hbz:466:1-54306](https://nbn-resolving.org/urn:nbn:de:hbz:466:1-54306)

Ecclesia Parochiali Sancti Nicolai villae Vuilsnack a nonnullis filijs iniquitatis, Dei timore postposito et omni reuerentia retroiecta perpetrata, Dominus noster Iesus Christus in sui corporis sacramentalis unitate sic dignatus est operari, quod in tribus hostijs per Rectorem dictae Ecclesiae consecratis, et ante incensionem in Ecclesia retentis, et post concremationem dictae Ecclesiae super altare in corporali in parte concremato, octaua die concremationis super altare miraculose inuentis, in qualibet hostia appareat gutta sanguinis manifeste, et nonnulla alia miracula quae in eodem loco omnipotens Deus dignatur operari, omnibus et singulis vere poenitentibus et contritis, dictum locum Vuilsnack, et corpus dominicum ibidem cum humilitate et deuotione visitantibus, pro quolibet passagio miliari, quadraginta dierum indulgentias in accedendo et recedendo, et quoties coemeterium dictae Ecclesiae circumierint, quadraginta dierum Indulgentias, et quotiescunque coram dicto Sacramento corporis et sanguinis flexis genibus orationes suas ad Deum effuderint, autoritate omnipotentis Dei, quadraginta dierum indulgentias de iniunctis eis poenitentis in Domino misericorditer relaxamus. Caeterum, vt in die corporis Christi, et per octauas eiusdem festi, Christi fideles ad visitandum dictum locum, et dictum sacramentum, et sanguinem miraculosum deuotius intuemum, stipendijs spiritualibus ad corroborationem fidei Catholicae realiter et amplius incitentur, omnibus vere poenitentibus et contritis, dictum locum visitantibus, et ibidem diuina, et praecipue Missam in dicta Ecclesia audientibus, vltra indulgentias ob speciale priuilegium dictae festiuitatis a sede Apostolica indultas, ac etiam per nos praesentibus, vt praemittitur, concessas, dicta Dei omnipotentis gratia confisi, quadraginta dierum indulgentias de iniunctis poenitentis misericorditer in Domino relaxamus. Datum, Anno Domini Millesimo, trecentesimo, nonagesimo primo, Dominica tertia quadragesimae qua cantatur Oculi mei, nostro maiori sub sigillo.

Nach Lüdtke.

VII. Anordnung des Bischofes Johann von Havelberg, wie es mit dem Erlöse von den zu Wilsnack ausgegebenen Blei-Zeichen gehalten werden solle, vom Jahre 1396.

In nomine Domini Amen. Nos Johannes Dei gratia Episcopus Havelbergensis. Ad vniuersorum et singulorum deducimus noticiam, tenore praesentium publice recognoscetes, quod ad aeternae retributionis meritum omnes et singulos peregrinantium in Vuilsnack signorum prouentus pro structuris et aedificijs Ecclesiae nostrae pie donauimus, deputauimus et praesentibus assignamus in hunc modum. Ita, quod praelibati prouentus in tres aequales diuidantur partes, quarum vna pro nostris nostrorumque Successorum aedificijs referuetur: Secunda pro Praepositi et Capituli, tertia vero pro monasterij nostri duntaxat structura, nec non ornamentorum tam Sacerdotalium, quam aliorum ac librorum inibi necessariorum comparatione ac conseruatione conuerti debeat et in totum coaptari. Volumus insuper et ordinamus, quod praenarrati signorum prouentus congregentur, dispenentur et custodiantur isto modo, Quod structurarius, quem pro monasterij nostri structura et alijs praenarratis de consensu Praepositi, Prioris et capituli nostri elegerimus, vna cum nostro in Vuilsnack deputato seu deputando de comparatione et venditione, signorum eorundem curam habeant, de pecunia communi singula ordinando, et cum ex his notabilis collecta fuerit summa, ambo Vuilsnack conueniant, summam ipsam ad quandam arcam inibi sitam, duabus feris diuersis munitam, de qua noster deputatus vnam clauem, structurarius aliam habebunt, fideliter deponendo summam ipsam vni libro, qui in ipsa arca includi debeat, diemque depositionis et horam, et si quid pro signorum comparatione de ipsa receperint notando, vt de his tempore suo dare valeant

rationem. Et vt praefati signorum prouentus, quotiens expediat, diuidantur, Ordinauimus, vt Praepositus, Prior et duo de Capitulo cum structuario seniores, ac nostri successorumque nostrorum deputati Vuilsnack conueniant, prouentus ipsos trifarie diuidendo, de qua nostri deputati pro nostris, nostrorumque successorum aedificijs vnam capient partem, aliam vero Praepositus in quantum administrator bonorum Capituli percipiet partem, cum qua sua et Capituli aedificia iuxta Prioris et duorum de Capitulo seniorum consensu et consilio reformet, construat, et ipsa conferuet in esse: Structuarius vero pro structuris monasterij, vt praemisum est, tertiam tollet partem, quam cum eisdem Praeposito, Priore et duobus de Capitulo senioribus, ac nostris deputatis Huelbergam deferat, ipsamque ad arcam ibidem ad hoc ordinatam, et securiori loco collocatam, tribusque feris dissimilibus firmatam, de qua nos vnam clauem, Praepositus aliam, et Capitulum tertiam habere debeamus, in ante dictorum praepositi, Prioris et duorum seniorum, ac nostrorum deputatorum praesentia, sub custodia ponat quam fidei. Cum autem structurarius ad sui officij executionem, secundum nostri, nostrorumque successorum, nec non Praepositi, Prioris et Capituli bene placitum et voluntatem, vt Praemisum est, faciendam, pecunijs indigerit, extunc prouentibus de iisdem in ante dictorum Praepositi, Prioris et duorum seniorum ac nostrorum deputatorum praesentia pecuniarum iuxta sui indigentiam tollet summas, quas libro, qui in dicta arca debeat conferuari, subito conferibat, vt de perceptis et expositis cum requisitus fuerit, coram nobis, nostrisque successoribus, nec non Praeposito, Priore et Capitulo debitam praestare valeat rationem. Si vero, quod absit, Praepositus, Prior et capitulum, dictam nostram Ordinationem infringere vel violare praesumerent, quouis modo, aut ipsam recusarent obseruare, extunc nos, nostrique successores omnes et singulos signorum prouentus percipiemus, ipsos pro structuris dictae nostrae Ecclesiae, modo quo praemisimus, conuertendo, quousque Praepositus, Prior et Capitulum praesentem nostram ordinationem in singulis suis claufulis reassumpserint obseruare, et haec totiens fiant, quotiens fuerit opportunum. Datum Wiftock, Anno Domini Millesimo, trecentesimo, nonagesimo sexto, ipso die beati Stephani Protomartyris gloriosi, nostro sigillo praesentibus sub appenso.

Nach Lüdtkf.

VIII. Pabst Bonifaz IX. verbietet den Aufenthalt gebannter Personen in Wilsnack, im Jahre 1397.

Bonifacius Episcopus, Seruus seruorum Dei, ad futuram rei memoriam. Humilibus et honestis supplicum votis, illis praesertim, quae diuini cultus augmentum, et animarum salutem concernunt, libenter annuimus, illaque quantum cum Deo possumus, fauoribus prosequimur opportunis. Exhibita siquidem nobis nuper pro parte dilectorum filiorum, Proconsulum, Consulium et Vniuersitatis oppidi Wilsnack Huelbergenfis dioecesis petitio continebat, quod saepe contingit oppidum ipsum, pro eo quod nonnulli Barones, milites, armigeri et alij Nobiles, ac etiam populares ipsarum partium, varijs de causis excommunicationum sententijs innodati, et quibus ingressus Ecclesiae existit interdictus, ad oppidum ipsum pro treugis faciendis, aut alijs negotijs eorum expediendis seu tractandis declinantes inibi moram faciunt, seu lares fouent, Ecclesiastico supponi Interdicto, et quandoque propter aduentum et moram excommunicatorum ipsorum huiusmodi excommunicationum sententias induratis animis sustinentium, dilectos filios, Clerum dicti oppidi per plures dies aut menses post huiusmodi excommunicatorum et interdictorum ab eodem oppido recessum, pro vt ex forma prouincialium aut Synodaliu constitutionum vel processuum,